

# Agenda – Y Cyfarfod Llawn

---

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mawrth, 14 Mawrth 2017

Amser y cyfarfod: 13.30

## 57(v4)

---

### 1 Cwestiynau i'r Prif Weinidog

(45 munud)

Mae'r Llywydd wedi cael gwybod, o dan Reol Sefydlog 12.58, y bydd Arweinydd y Tŷ yn ateb cwestiynau ar ran Prif Weinidog Cymru.

Bydd y Llywydd yn galw ar Arweinwyr y Pleidiau i ofyn cwestiynau heb rybudd i'r Prif Weinidog ar ôl Cwestiwn 2.

[Gweld y Cwestiynau](#)

### Cwestiwn Brys 1

#### I'r Ysgrifennydd y Cabinet dros Gymunedau a Phlant:

**Dawn Bowden (Merthyr Tudful a Rhymni):** A wnaiff Ysgrifennydd y Cabinet ddatganiad am effeithiau iechyd posibl glofa glo brig Ffos-y-Fran, yn dilyn y cyhoeddiad yr wythnos diwethaf gan rapporteur arbennig y Cenhedloedd Unedig ar wastraff a sylweddau peryglus?

### Cwestiwn Brys 2

#### I'r Gweinidog y Gymraeg a Dysgu Gydol Oes:



Cynulliad  
Cenedlaethol  
Cymru

National  
Assembly for  
Wales

**Lee Waters (Llanelli):** A wnaiff y Gweinidog ddatganiad am y methiant i benodi cynrychiolydd o Gymru ar fwrdd y BBC?

### **Cwestiwn Brys 3**

**I'r Ysgrifennydd y Cabinet dros yr Economi a'r Seilwaith:**

**Andrew RT Davies (Canol De Cymru):** A wnaiff Ysgrifennydd y Cabinet ddatganiad am ddyfodol hirdymor y cyswllt awyr rhwng y gogledd a'r de a gaiff gymorthdaliadau, yn sgil y newyddion bod Citywing wedi cael ei ddiddymu?

### **Cwestiwn Brys 4**

**I Ysgrifennydd y Cabinet dros Iechyd, Llesiant a Chwaraeon:**

**Darren Millar (Gorllewin Clwyd):** A wnaiff Ysgrifennydd y Cabinet ddatganiad am yr achos o danseilio diogelwch data a effeithiodd ar staff y GIG sy'n defnyddio mesuryddion dognau o ymbelydredd?

## **2 Datganiad a Chyhoeddiad Busnes**

(30 munud)

[Gweld y Datganiad a Chyhoeddiad Busnes](#)

## **3 Datganiad gan Ysgrifennydd y Cabinet dros Gymunedau a Phlant:**

**Bil Diddymu'r Hawl i Brynu a Hawliau Cysylltiedig (Cymru)**

(60 munud)

## **4 Datganiad gan Weinidog y Gymraeg a Dysgu Gydol Oes:**

**Cynlluniau Strategol Cymraeg mewn Addysg – y ffordd ymlaen**

(45 munud)

## 5 Cynnig Cydsyniad Deddfwriaethol ar Fil yr Economi Ddigidol

(30 munud)

### NDM6254 [Mark Drakeford \(Gorllewin Caerdydd\)](#)

Cynnig bod Cynulliad Cenedlaethol Cymru, yn unol â Rheol Sefydlog 29.6, yn cytuno mai Senedd y DU ddylai ystyried y darpariaethau ym Mil yr Economi Ddigidol sy'n ymwneud â rhannu data, i'r graddau y maent yn dod o fewn cymhwysedd deddfwriaethol Cynulliad Cenedlaethol Cymru.

Gosodwyd Memorandwm Cydsyniad Deddfwriaethol yn y Swyddfa Gyflwyno ar 24 Tachwedd 2016 yn unol â Rheol Sefydlog 29.2(i). Gosodwyd Memorandwm Cydsyniad Deddfwriaethol Atodol yn y Swyddfa Gyflwyno ar 3 Mawrth 2017 yn unol â Rheol Sefydlog 29.2(i).

### Dogfennau Ategol

[Bil yr Economi Ddigidol](#)

[Memorandwm Cydsyniad Deddfwriaethol](#)

[Memorandwm Cydsyniad Deddfwriaethol Atodol](#)

[Adroddiad Y Pwyllgor Cydraddoldeb, Llywodraeth Leol a Chymunedau:](#)

[Memorandwm Cydsyniad Deddfwriaethol](#)

## 6 Dadl: Gwastraff Trefol ac Ailgylchu

(60 munud)

### NDM6255 [Jane Hutt \(Bro Morgannwg\)](#)

Cynnig bod Cynulliad Cenedlaethol Cymru:

Yn cytuno bod Cymru ar y blaen o safbwynt ailgylchu gwastraff trefol ac yn cefnogi'r bwriad sy'n golygu:

a) creu rhagor o fentrau er mwyn cyflawni'r canlyniadau gorau posibl o ran datblygu cynaliadwy ac amcanion Symud Cymru Ymlaen

b) mai Cymru fydd y wlad orau yn y byd am ailgylchu.

## Dogfen Ategol

[Symud Cymru Ymlaen](#)

Cyflwynwyd y gwelliannau a ganlyn:

### Gwelliant 1. [David Rowlands \(Dwyrain De Cymru\)](#)

Dileu is-bwynt a)

*[Os derbynnir gwelliant 1, bydd gwelliant 2 yn cael ei ddad-ddethol]*

### Gwelliant 2. [Rhun ap Iorwerth \(Ynys Môn\)](#)

Ychwanegu at ddiwedd is-bwynt a):

'fel cynllun ad-dalu blaendal ar gyfer plastig, gwydr a chaniau a gwahardd pecynnau polystyren.'

### Gwelliant 3. [Paul Davies \(Preseli Sir Benfro\)](#)

Cynnwys is-bwynt newydd ar ddiwedd y cynnig:

'sicrhau canlyniadau datblygu cynaliadwy drwy economi fwy gylchol yn seiliedig ar ddefnydd arloesol o Ddeddf Llesiant Cenedlaethau'r Dyfodol (Cymru) 2015.'

['Deddf Llesiant Cenedlaethau'r Dyfodol \(Cymru\) 2015'](#)

### Gwelliant 4. [David Rowlands \(Dwyrain De Cymru\)](#)

Ychwanegu pwyntiau newydd ar ddiwedd y cynnig:

Yn nodi â phryder bod cyfraddau ailgylchu yn amrywio'n sylweddol ar draws ardaloedd awdurdodau lleol yng Nghymru, yn rhannol oherwydd gwahaniaethau mewn cynlluniau ailgylchu a chasglu gwastraff a ddefnyddir ym mhob ardal awdurdod lleol;

Yn gresynu bod 36,000 o achosion o dipio anghyfreithlon wedi'u cofnodi yng Nghymru yn 2015/16, gyda chostau o dros £2.1 miliwn i awdurdodau lleol eu clirio;

Yn galw ar Lywodraeth Cymru i sicrhau bod awdurdodau lleol yn casglu gwastraff gweddilliol cartrefi bob pythefnos fan lleiaf, er mwyn diogelu iechyd y cyhoedd, ac atal tipio anghyfreithlon.

#### **Gwelliant 5. [Rhun ap Iorwerth \(Ynys Môn\)](#)**

Ychwanegu pwynt newydd ar ddiwedd y cynnig:

Fel mai Cymru fydd y wlad ailgylchu orau yn y byd, mae angen i awdurdodau lleol fabwysiadu arfer gorau er mwyn codi cyfraddau ailgylchu, a dysgu gan awdurdodau fel Ceredigion, lle y cafodd 68.1 y cant o wastraff trefol ei ailgylchu yn 2015/16.

## **7 Cyfnod pleidleisio**

Cynhelir Cyfarfod Llawn nesaf y Cynulliad am 13.30, Dydd Mercher, 15 Mawrth  
2017